

清·同治十年重刊本  
陳壽祺等撰  
中國省志彙編之九

# 福建通志

(七)

華文書局股份有限公司印行

重纂福建通志卷之百八十三

人物

宋良吏傳

泉州晉江縣蔡黃裳

謝微子仲規趙誠季成呂瑞子諒曾公

望 林黃中

王公濟 蘇伯材 陳康年 徐瞻從弟林

杆 黃濟

柯宋英 楊夢齡 黃適 曾崇 壯方子楫

趙悚 林谷

趙汝微 黃夔 王沂之 陳景魏 牟深

南安縣林杞

傅維肖 王炳子佩王克恭 傅烈

同安縣石互

薛舜俞弟舜許巨川 惠安縣吳達老 方

炬 莊王

永春縣雷從諫 顏楠 雷東 安溪縣張讀

鄭思忱

德化縣鄭翰 縣貫無考梁克俊趙善

福建通志

卷百八十三

宋良吏

一

泉州

南劍州劍浦縣范潔 范機 吳一鳴 將樂縣蔡元方

順昌縣翁邵 廖天覺 沙縣羅博文

漳州龍溪縣劉衍 謝伯宜曾孫蕭韓 楊汝南孫承顏致

林士蒙 越善封 姚東 漳浦縣吳與 楊仕訓

汀州長竹縣鄭穆 羅烈 翁熙 寧化縣劉并 清流縣

賴紱

邵武軍邵武縣上官凝子攸上官思子傳吳點 上官核

曾孫朱家正 鄧根 上官粹中 上官賁 吳炎 上

官必克 泰寧縣鄒曼弟括建寧縣謝詞子載張汝明

興化軍莆田縣方峻子守子容 曾 徐晞 林伸 余

祖夷武揚黃琮 黃宜 陳鶴 林雲 吳廷秀 方

陳士宏 歐陽直卿 余鳳 方士端 方裕卿 劉起

晦 方泳之 卓先 方武子 王自成 方阜鳴子楨顧

孺履 林沅 劉晟 林演 丁南一 仙遊縣葉賓子任

蔡高 許積 陳闌子高陳大下子安仁葉確 洪處

厚 陳可大 傅佇 陳豐子諒林一鳴 許巽 傅大聲

郭子力 鄭可復 興化縣陳鑄 方次彭弟次舉次

安道原道曾源從弟公袞 孫翼 林迪 陳師立 黃

微 謝洪 吳珏

泉州晉江縣

蔡黃裳字叔文大中祥符元年進士歷知鳳翔府虢縣鳳翔守有

親校號人也招權納賄黃裳至縣先執校縛傳舍中乃謁守條其

福建通志

卷百八十三

宋良傳

二

晉江縣

奸狀置諸法一府大驚已而改知建陽詳見秩滿縣人遮留許再

任居建陽八年後爲鎮安軍節度推官以太子右贊善大夫致仕

貧不能歸客陳州以席蔽戶誦詠不倦

謝徽大中祥符八年進士歷撫州臨川令轉漳州軍事判官詳見

除大理寺丞知龍溪縣徙知容州北流縣城郭倉庾廨舍道梁一

皆新之就知雷州州人不知學徽葺孔子廟聚諸子弟教以儒術

雷人業進上自此始大豪李郁築城得古印立盜突奔民田百餘

家五十年不能直有訴於徽者徵條其惡致以法尋通判福州盡

購巨盜誅其黨諫議大夫方慎言守廣州辟改廣州通判徽廉取

番舶輸官之利以招其徠及罷去夷人思之不忘擢知建州召知

開封府祥符縣治愈有聲尋求便藩得海州會歲早有蝗過境一

宿抱穢死吏民驚歎為異政之應皇祐五年卒於任微嘗言歷任三十九年無小過失實由謹畏故能然也子仲規季成仲規皇祐元年進士調越州蕭山縣尉累遷太常博士知興化軍淮本路轉運判官季成字子立蔭補太廟齋郎累遷衛尉寺丞熙寧初行保甲法以王安石薦換西頭供奉官內藏庫使出知宜州嗣蠻侵叛悉討平之元祐中由南京作坊使知廉州沒淫備禦之具為一路最移融邕二州邕管外寨戍兵歲物故常千餘人季成請以嗣丁代戍而教之不失守備且可救死亡咸以為便及卒邕人立廟祀之

趙誠字希平閩書作希中天聖五年進士歷撫州通判州有疑獄守刻深趨上薄暮請判誠知翼日有赦故延讞實黎明赦果至獲免者

福建通志 卷百八十三 宋良吏 晉江縣

取改知歸州州有淫祠曰巴王歲夕殺人以祭誠毀祠投像於江州東三十里有新灘前後湧載不可計屢疏繫傍灘大姓射阻險之利輒以游言沮撓誠條奏利害結廬視役既成人號趙江就所廬祠焉入為三司戶部判官出知明州卒於官

呂壽字季玉景祐元年進士歷漳浦令詳見官績改知漳州衡山縣徵淫祠以為亭館通判宜州適儂智高入寇轉運使檄壽以兵會壽將二千人攝賊後俘獲為多嘉祐中調開封府司錄內都知史志聽私役衛士伐木墮而死尉中侍御史韓續請下封案治故事府有獄司錄必自知府乃敢鞠於是多為志聽地者壽獨窮治之志聽坐黜壽由是知名歷守潮懷二州累遷光祿寺卿卒子惠卿升卿和卿惟諫卿與兄弟異起元符中為溫州軍事推官上書諫

紹述新法之非崇寧三年編類元符章疏姓名諫卿以邪等入黨籍追官勒停亳州編管御書姦黨碑賜其兄惠卿惠卿自劾求罷乞合諫卿出籍諫卿遂廢錮終身紹興二年贈宣教郎官其家

曾公望字武都集賢殿修撰會第五子也會見仲子公亮傳公望用會蔭補太廟齋郎嘗一試進士不第曰安能事此求合耶遂勉赴州縣調授明州鄞縣主簿是時朝廷用兵西方詔舉材吏可為令關中者大臣薦公望可任即拜衛尉寺丞知華州渭南縣縣之豪家多置礎以擅水利歲早一勺不以與人公望至破礎渠水使與眾共凡溉民田千頃有奇累遷至虞部郎歷簽書軍海軍節度觀察判官杭州江隄壞水勢悍甚州守欲立辦隄役以屬公望公望即自下諸縣調丁夫比至富陽富陽人欲逃役以撼眾公望鈞

福建通志 卷百八十三 宋良吏 晉江縣

得倡議者掉致之罪眾懼且力隄亟成賜詔褒諭從簽書奉國軍節度觀察判官丁戶愛歸服除知舒州桐城縣改蘇州吳江縣權知忠州民負官鹽十七萬有破產不足以償者或負以死至子孫猶償不釋公望奏罷之尋通判江州治平二年知光州值淮蔡饑流民間光州仁政日驗其境募富家出倉實以食之所活數百萬人明年卒於官年五十有七子三人孝粹光祿寺丞孝總大常寺丞孝蘊自有傳

林黃中字伯玉父泉治平四年進士為建州司理剖雪獄囚誣誤不受賞格黃中第元豐八年進士調信州永豐縣尉有張生者貧負租黃中密以俸代其輸已而張生推第遷惠州歸善令有院僧與豪民爭田各持嘉祐契券歲月皆同先後合不能決黃中遣吏

取架閣文字嘉祐年者審之紙札與僧契同豪民伏辜改知徐州彭城縣彭城號盜區訟藪黃中治市半年獄空幾兩月部使者以聞得獎諭

王公濟字經國年十八登元祐六年進士宣和間知溫州瑞安縣時方臘攻浙東諸邑直趨縣境公濟召邑豪及父老論之棟丁壯得五千人朝夕肄練分守要害與尉梁範躬環甲冑九十餘日不入廨舍民樂爲之死賊至合將夏祥輔等迎擊之賊遁去後賊悉眾以來公濟張大旗陣中曰福建路槍杖手槍杖手者福建最義勇兵也賊望見以爲闖援至大驚即引退賊平代選以疾卒有司上其功官其子瑞安入市哭累日立廟祀之

蘇伯材字廷構紹聖四年進士知潮陽縣有富民殺其姪女吏爲福建通志 卷百八十三 宋良吏 五 晉江縣

密懷金數百兩求毋入狀伯材立械之籍金於官事連縣佐眾請寬伯材曰國法也悉按治部使者以聞特詔褒異擢知韶州時提刑司吏橫其嘗誣翁源縣民爲盜以俸賞因賂縣官梁格就獄殺之伯材廉其事奏於朝格坐黜配海島吏伏辜

陳康年字季昌政和二年進士歷知潮州海陽潮陽二縣捐俸以貸通賦運私穀賑饑民尋通判潮州攝州事黎寇犯境嚴備卻之歷官二紀公廉如一日潮人以與陳克佐先後爲通判並稱二陳徐瞻字德望政和五年進士歷司理三任知潮州海陽縣以平恕聞人稱徐佛通判廣州臺閣交薦嘗得郡同年秦檜當國志瞻不謁已遂不得召家居十五年謫詠自適泉守周葵取治獄多陰德子孫必興之義名其里曰興德從弟光實字德充建炎二年進士

知秀州海鹽縣歲且放獄囚歸省吏白恐亡去爲累光實曰我以誠遣彼必不以僞應因感激皆如期至後知英州受代日郡例新舊守並支俸光實謂已替則不事其事俸可兩給乎辭不受徙知廉州嶺表少廉吏光實一介不取曰吾以是娛親也卒年六十有二

林杆開書作杆字廷植紹興十八年進士調惠州歸善縣尉獲鹽盜十餘人白郡守寬其罪不希賞格轉肇慶教授安撫使林孝澤杆故人也持節行部不入官舍而節於肇慶之學守貳以下謂帥親杆俱來通牒求薦杆攜牘語孝澤曰公宜他徙毋重困我孝澤啓牘曰他且無論守汝上官吾當薦之守聞持金詣杆謝杆驚曰何使君待我薄也守慙而退遷南恩州簽判卒於官

福建通志 卷百八十三 宋良吏 六 晉江縣

黃濟字義卿紹興二十年自肇慶通判攝守新州踰年種刺竹園城一千二百餘丈先是鄉民之貧死者猶附於籍富厚者多避役濟榜諭之且置大櫃於州門令民自投戶數於中限滿折封於是戶口覈實賦役均平民以不擾侍郎胡銓爲文記之

柯宋英字子飛紹興十八年太學補試二萬餘人宋英名第一二十四年登進士第教授明州召除國子監學正遷本監主簿出知梅州州有程取南齊時隱君子也程鄉縣所籍名矣宋英闢齋曰景登任滿獄無死囚代還三奉祠祿杜門謝客州縣希識其面卒年八十有六

楊夢齡字子壽父湛示見忠節傳初世永官高要維以夢齡自隨及歿於陣夢齡年方十四以待父任當祿位夢齡乞改奏見桂齡

從之紹興二十七年第進士調温州瑞安縣丞攝縣事歲疫瘵病者千餘於僧舍捐俸資為藥粥日親察視悉賴以活浚復塞之河數百里後宰藉以冒賞終不言改知平陽縣縣有河下流歸海斗門頽壞水溢泄俱為患夢齡捐錢五十萬倡其役既畢工民生祠之秩滿當路交薦欲處以六察赴行在道卒民為哀金扶柩以歸黃適字德夫少以詞賦名登紹興二十七年進士歷知廣州東莞縣不苛而辦府帥意縣有餘藏會適謁府遣掾攝其職掾窺帥意籍常賦為贏以獻他日府責賦適報掾已輸矣府豈欲令再斂邪文移數十訖無以應而止帥因薦適治狀籍記中書秩滿擢知新州

曾崇字希元父恬見儒林傳崇以父蔭監潭州南獄廟調臨安府福建通志 卷百八十三 宋良吏 七 晉江縣

錢塘主簿南渡後錢塘為赤縣小官吏率奔走不復能顧職凡輸送之籍不以時注民被追擾甚苦崇督吏注籍惟謹日夜稽攷至廢寢食府尹趙子滿遇僚吏不假詞色惟待崇頗盡禮時俾攝其屬以自近就差衢州西安縣丞劉拱周操相繼為守皆器之屢決疑獄於旁郡用薦改右宣教郎知湖州安吉縣民悍吏猾崇處以寬明鬪傷為減獄罕重囚乃新學舍延俊秀勸以道藝民相率詣部刺史乞留近臣亦薦崇可應監司郡守適從父懷參大政以為嫌僅除通判臨安府朝廷新垂拱前殿建太學御書石經閣崇總工役皆以辦治受賞秩滿除權發遣高郵軍陸對言天下之弊莫大於無實願獎敦厚抑虛誕以變風俗又言兩淮州縣類多培克資妄用徒知修城池闢田野為邊備不知民和邊備之本也孝宗

稱善崇至郡以鎮靜不擾為先率斂橫取為戒釋民之負官錢貧窶無所償者凡數千緡謹征權簡燕集罷工役用果有餘其為政寬於治民而嚴於馭吏人服其平莫敢犯清熙七年卒於官年六十有六

莊方字邦直隆興元年進士監富沙鎮稅會興化守擅放民租詔轉運司覈實判官王佐委方往方援汲黯矯制事以對且謂減放皆實惠守得釋方尋辟福建安撫司主管機宜文字朝議請更福建鹽鈔事下帥司方歷陳不可遂寢尋知昭州改瓊州政尚廉靜萬安黎爭田守擅興帥致敗坐累罷歸後起京西參議卒子柎柎字子修以父任補官荆湖制置使趙方器之辟信陽州判官攝守事北兵圍城與戰破之改羅山合建言遷治霸山朝議是之乃依福建通志 卷百八十三 宋良吏 八 晉江縣

萬弩關築山砦北兵至扼關擊之擒其木牌郎官尋通判江陵府海樞久廢柎修復之築樞八隘口十三增濬三海益兵守隘以時停泄改知峽州終江東安撫司參議官趙柎字彥忠父思誠官至待制知泉州因家焉柎以蔭補官調福建轉運司主管文字以鹽法病民請恤竈戶均敷額歲衍鹽二百萬劬後知惠州惠前號豐郡後稍窘柎曰必吏欺也覈之得米七千劬錢五萬緡公帑既羨斥其餘以惠民最聞歷提舉常平卒於官子誼知臨江府富陽縣說知南恩州林谷字聲之開書作開縣 清熙十四年進士甲科歷知紹興府上虞縣通判嚴州以倪思薦召赴都堂審察時韓侂胄富國有挽谷輸金為壽者谷歎曰書生攻苦俸錢尚不敢多取焉有以奉權要

徑注潮州通判而去谷善審訟或疑其以數鉤索符笑曰吾何術  
臨事心無私繫而已人以爲名言子顯奉議郎知寧化縣

趙汝做字唐卿商王元份八世孫紹熙元年與父善新第汝僕同  
登進士郡守表其里曰三秀歷官通判德慶府築障障晉康江互

三十里先是潮江之田數淫於滂至是爲上腴擢知賓州築城覆  
之以屋居民舊皆江波汝做於城鑿七井民便之遷提舉廣東市

舶終提舉常平茶鹽

黃夔字一之父日以武舉登淳熙五年第知欽州卒夔以父任知

貴鬱林宜等七州所至以廉惠稱月入例券多不取宜溪蠻爲暴  
部刺史辟爲守夔至郡賊其渠魁諸峒納款事聞遷三秩五嶺瘴

惡仕者數十待去夔往來三十年家人皆無恙郡守黃林表其里

福建通志 卷百八十三 宋良吏 九 晉江縣

曰慶遠

王沂之字春伯以門蔭歷知新州有惠政將去民遮留累日移守

瓊州卻例册錢貸民租卒於官沂之曾祖秉嘗立義齋延師誨士  
厥後浸廢沂之遺命子起震繼其志開齋於家之南捐田三百畝

爲備脯資真德秀守泉善之爲定規條曰王氏義塾

陳景魏知柔從孫以蔭補信州鉛山主簿歷廣州新會丞擢贛州

會昌令石城寇竊發景魏請於郡守乘機掩捕破其寨擒其酋餘

黨悉平改知潮州潮陽縣歲輸丁銀至郡例增耗日錠頭錢景

魏曰此小民無窮之害亟裁去及解郡守謂不如例盡械邑吏景

魏曰合裁之當罪令守乃釋吏尋召提轄文思院出知惠州決疑

獄剔蠹胥案牘一清惠經兵燬後公私赤立景魏痛節縮修復學

宮官廨以餘力葺白鶴故居合江樓六如亭歲大饑上言民瘵未

瘳乞減惠民糶米三之一改知韶州以言者罷去管雲臺觀起知

英德府白於帥請增治洗口戍兵以防權寇帥不從未幾權覆治

洗始如其策增戍開慶元年卒年七十有七積階至朝散大夫  
牟濬字叔清景定間知潮州修學養士除盜去奸邦人德之咸淳

三年擢廣東轉運副使及卒潮人祀於名宦祠

南安縣

林杞字卿材天聖五年進士歷知康雅泰滑四州在秦州修築海  
堧復良田數千頃使者上謀爲淮南第一潯州圭田歲入之外

例輸練六百杞曰田植五穀練從何出耶卻不受後以光祿寺卿

致仕卒年九十有八 福建通志 卷百八十三 宋良吏 十 南安縣

傅維肖字應求紹聖四年進士知臨江軍清江縣歲歉發倉賑濟

饑民赴糶爭攘之巡尉希賞欲以強盜論維肖曰迹則似矣顧未

嘗結徒操兵奈何加以重辟由是全活者眾終岳州通判 閩書作  
泉州府子倘以蔭補潮州錄事參軍請蠲上供耗銀民德之歷知

肇慶府端溪有紫石可爲硯屬縣以石工占胥無慮數十倘悉斥

去之

王炳字景文紹聖四年進士初炳娶呂惠卿同產女未嘗干謁後

爲海州沐陽令有聲秩滿入都時蔡京當國登其門者悉通貴炳

不往左授泰州海陵丞以歸及京敗炳獨得全通判潮州改知汀

州提舉洞霄宮子侃字仲和以父任入官歷肇慶府司法通判王

哀俘商人數百名指爲盜分固鍛之侃持不可衣適播州守督獄

愈急同僚以危言休之侃曰吾守職耳他非所憂也已而移獄廣州安撫使親鞫得實破械釋之尋知漳浦縣擢通判福州未拜命而卒侃子顯世蔭補興化軍錄事詳見終知贛州零都縣

王克恭字彥禮淳熙十四年進士教授循州以禮義迪後進改知寧德縣治最開除通判廣州海寇掠埕益夏暑泄力疾督師擒其酋辟知新州奏減丁米以寬民力累遷度支駕部郎中丐祠歸起

知興化軍詳見在任六月卒子道翁應知潮州海陽縣

傅烈字承仲以易學名家登慶元五年進士歷南劍惠州教授矩

獲整飭改知南雄州保昌縣擢通判循州閩屬邑抑配鹽鈔之擾招誘商販平直售之不取贏以自潤民懷其惠差知梅州未上卒

同安縣

福建通志 卷百八十三 宋良吏 七 同安縣

石巨字彥名嘉祐八年進士充司農寺幹當公事官熙寧中淮浙

江東饑從司農卿張諤請所至發庫廩場給散募收遺棄小兒所全活以口計淮浙七十餘萬江東三十餘萬有司劾其不循常法

與諤俱罷巨曰使事有濟以惠民也若法承之敢逃罪耶官終殿

中丞

薛舜俞字欽父紹熙元年進士充江西轉運司幹官召赴都堂審

察除吏部架閣以言者罷復起幹辦江東提舉常平公事偕其長

李道傳賑荒多所全活改知婺州金華縣守督宿道苛峻舜俞引

證力爭寬期示信民悉樂輸罷歸卒舜俞問學淹貫論挾負才

氣以是仕數齟齬弟舜庸字惠父紹熙四年進士調龍溪縣尉以質改隆興府分寧縣丞嘉定開知古田縣詳見通判興化軍未上

卒

許巨川字東甫一作揚甫嘉定七年進士歷廣州建康教授以伊洛之學訓士崔與之自蜀歸深為後進得師喜改知廣州東莞縣

作新學宮給沒官田以贍士子每公務暇躬至黌舍與諸生講解治民拊摩軫切計使劉克莊閱其斷訟稱其仁至義盡先是廣士

建巨川生祠於泮宮及是東莞民亦倣郡建祠祀焉改主管坑

治司文字辟守象州卒

惠安縣

吳達老字信遇初名天經改今名登政和五年進士調南康軍建昌縣丞會詔更議法達老白於令曰饒商重困矣堅執不行曰雖

重得罪無害申郡乞奏未上朝廷聞其不便罷之後知惠州大興

福建通志 卷百八十三 宋良吏 七 惠安縣

學校令簽判陳鶴掌教事執經者數百人有承節郎謝革者遣兒

徒劫仇家刀殺其主焚所居室獄具達老慮賊黨奪囚先處決之

然後自劾待罪有子七人兩遇郊恩皆以與弟迪老迷老曰一官

潮州卒於官

不足為吾弟榮聊以慰母心爾母年八十餘三乞奉祠侍養起知

方炬字成章少治周易兼長詞賦登乾道五年進士調賀州教授

新學舍立規約月書季考訓迪甚勤鄰寇發將及境守倅倉皇無

策炬至部健卒出城南登高望寇所在以示武旌蔽天賊宵遁

改教授建寧未上卒 莊壬字子中嘉定元年進士調溫州永嘉縣尉鹽寇掠境提刑司

符夜至壬不待白郡丞發卒偕巡檢率寨兵俘盜數輩上調守楊

簡怒其擅命欲行軍法建肅會僚屬立王與巡檢蕭下巡檢懼叩拜祈免王屹立不動通判以下皆為請曰尉權以濟事可旌也簡意解同僚強王拜謝王竟不拜拂衣去諸臺壯其節交薦之終惠州海豐令

永春縣

留從諱從功諸弟也洎化中為泗州長吏有清節官卑俸薄雖黎藿不充未嘗妄干人太宗間之召赴闕特遷揚州觀察使

顏補字養正開禧元年進士歷藤州教授調會昌令改廣州南海令因威濟惠盜寇斂迹通判循州遷知梅州朝寇陳三槍率萬眾逼梅城四十二日補激勵將士分隅拒守又合蓋船布水陣橫矢射之賊遁帥上其功會病卒

福建通志 卷百八十三 宋良吏 三 永春縣

留東字純仁丞相正五世孫景炎元年以兩登極恩賜同進士出身授肇慶府司法參軍廉勤有聲陞從事郎清海軍節度推官未幾改帶行國子監編較平海軍節度推官宋亡杜門不出元至元間錄宋故臣授桂陽縣丞及乳源縣尹俱辭不就

安溪縣

張讀字聖行紹聖四年進士歷福州教授調穎昌府法曹參軍范純禮為守深器重之召充編修國朝會要以父年踰九十求便養通判全州後除諸王府直講請郡自效出知興化軍詳見建炎二年詔命近臣各舉所知中書舍人黃唐傳以讀名上召赴行在引疾固辭案唐傳嘗受張邦昌偽命讀之家居杜門卻掃里人矜式焉性至孝居喪廬墓蔬食終制所交皆天下士與陳瑾尤友善遇

事深沈有遠識不以意氣凌人蘇軾嘗為其兄軾作墓志密以二石讀讀曰斯文妙盡東坡平生政恐仇人復藉此媒孽不若刮磨之為愈使東坡無此銘萬世之下其不蜚聲騰實乎轍深然之晚徙居晉江日與李邴過從論文家無贏餘有所入即以分親故之貧者卒年八十

鄭思忱字景千少好學投尚書於西溪李季辨解精析生徒常百數邑令陳宓重之屢延署中講學嘉定三年詞賦首鄉薦歷新州新興令除遺利錢三百萬改知崇安縣復均惠倉以譜左遷浦城縣丞詔真德秀德秀與語知其賢言於郡守得復任權知南恩州辟充浙東安撫司參議官雷變上封事言士渴苞苴習久難化民坐困且盜宜去貪恤民節用蓄力除監登聞檢院卒子必中興化

福建通志 卷百八十三 宋良吏 四 安溪縣

軍通判

德化縣

鄒輪字景行嘉泰二年進士調南雄州保昌縣尉獲強盜不論賞日人命可易官乎遷贛州龍南令邑上鄉鄰山峒民舊不輸租一日數十輩載錢而至吏驚怪詰之對曰間有好長官願為王民移知建昌府南城縣盜發盱江諸邑擾動輪悉意撫摩無附賊者歷廣東轉運司主管文字擢知循州

附縣貫無考

梁克俊字叔明泉州人嘉泰初知循州積公帑數千修城葺學循人以其有功於民祠於縣治其後同郡趙善謫字安之繼知循州勤恤民隱而除其害易茅屋以瓦民病涉則為之梁邦人德之為

五生祠焉

南劍州劍浦縣

范潔字景圭南渡初知新昌縣披榛撫瘡痍以創縣治紹興中守光化軍後守鄂州仕終漕使

范機字純之乾道初以父任為歐寧主簿案真西山集機墓志云繼之里人自其居為六桂公之先大夫與其二昆復繼之一門三世以名第進者九人焉金紫公謂迪簡五子則响响此响也墓志但云父某某官贈某官不轉撫州司法參軍移任池州江左早著何者為機父也附此備攷轉撫州司法參軍移任池州江左早

蝗流民襁負相屬機擇僧舍開曠者分處之第給錢粟皆有法調

懷安縣丞政知秀州崇德縣有中貴人銜命至邑致餽於機卻其

餽弗報故例訟者有鬻紙錢里正有展限錢以供廚傳充費機曰

賤窮民以市虛譽吾弗忍為悉罷之有盜牛殺人而逸者尉建其

福建通志 卷百八十三 宋良吏 五 劍浦縣

鄰抑使誣服機察其冤釋之移尉使求真盜尉大詬怒白部使者

誣機縱盜機不以辨無何他邑獲之尉乃慙服俄知潭州寧鄉縣

值大兵屯漢上軍用百需率分配諸邑機調度有方無毫髮病民

是冬金兵犯襄陽圍安陸聲搖湖湘聞父老請徙邑以避機曰制

動當以靜敵安能遽及吾圍今倉皇委去是自擾也卒不為動宜

撫使檄兼幕府機所親勸其緣此自脫機曰吾寧橫身以庇民不

忍擇利以棄民辭不往既而饑疫並作死亡枕藉機調救貧贏收

育孩穉所活不可數計辟湖廣總領所幹官嘉定八年以通直郎

致仕卒年八十有一機性和而介梁克家守建寧趙汝愚守福州

機時為屬吏二人皆器重之及克家汝愚當國機以調選至都城

率從吏部銓注闕足不履二人門韓侂胄建議開邊中外臣僚莫

敢出此言機獨隱憂憤歎作詩以諷眾為機危機弗顧也

吳一鳴字伯大紹定五年進士為潭州益陽縣尉帥李華聞其賢

置幕中政事一委之復薦於朝累調德化令時康維新帥漕謂

之曰例三司歲得舉其屬一人公何獨不薦新曰留以待賢或曰

賢者為誰曰吳一鳴也卒薦之得調長樂詳見始至見倉庫蕭然

詢知其縣多上官寄苗糧官不敢督責故耳因歎曰官自我得之

自我失之何憾時參知政事陳偉在朝一鳴撻其幹督糧甚急幹

以告偉偉曰令為誰曰南平吳一鳴也偉曰南劍亦有此人耶由

是諸勢家間之悉為輸納乃廣學舍修官廨邑人作歌頌之邑有

廬尚書者被劫得賊所遺刀一鳴悉召縣之鐵工出示之一工曰

此某所作也命諸工還獨留詢之所為作者乃泉州巨賈之徒也

福建通志 卷百八十三 宋良吏 六 順昌縣

一鳴以計獲之一說而伏後為仇家所誣去任邑人號哭於道執

政知其非罪復調臨安府簽判時樞密鄭清董修大內疾作諭一

鳴之賢遂委代之官終浙東安撫司主管機宜

將樂縣

蔡元方字安禮熙寧九年同進士出身調饒州番陽主簿移懷安

令轉惠州博羅令知建昌軍南豐縣歲適大饑流亡萃踏者相枕

藉元方設法賑之全活者甚眾其為政強敏與民為條約而不可

犯然簡節疏目民亦易避之至於破姦剔蠹必鋤盡根故所至有

績紹聖四年卒於官

順昌縣

翁邵字好德初名醇登元豐八年進士篤信好古博學工文詞蒙

翁邵字好德初名醇登元豐八年進士篤信好古博學工文詞蒙

安縣尉時劉幹在布衣卻待以國士禮遷福清縣丞詳見青慎方  
正大興學校當路聞其名欲羅致之檄至公堂猶責以苛體卻拂  
衣起有棄官意檄者愧悔委曲慰安之已而以疾歸里縣令俞偉  
大興學校屈卻主講席卻牢讓不出友人楊時貽書敦督不得已  
應之數州之士負篋雲集官至宣教郎

廖天覺字仲先紹聖四年進士知越州餘姚縣屬行方田法天覺  
簡其事目民使之兼監石堰鹽場歲課增羨例轉三官不受移古  
田縣令張穆為閩部使者稱其可比古循良後以朝請大夫致仕  
沙縣

羅博文字宗禮一字宗約祖疇見文苑傳父彥溫知甌寧縣博文  
甫周歲家人示以晬盤博文扶服取性理書展玩久之疇作文以  
福建通志 卷百八十三 宋良吏 七 沙縣

記其事且喜曰是兒當以文學大吾門十餘歲喪父用祖蔭授福  
州司戶參軍嘉泰二年第進士調靜江府觀察支使郡為嶺徼以  
西一都會常時幕府已不勝煩博文裁處從容各得其理是時秦  
檜專權士大夫竄斥南來者相踵博文悉善遇之廩奉竭則鬻衣  
服以濟其乏改知贛州瑞金縣始至歲歉先事儲備及饑發廩賑  
贖置織密吏莫敢以出入欺復請推其餘以及旁縣全活甚廣  
縣故多盜博文飭巡徼設方略得渠酋數人賞諸法境內帖然張  
浚都督江淮辟為幹辦公事博文舊從同郡李侗遊侗問其就辟  
也喜謂朱子曰張公高明闊大而宗禮以精密詳練佐之幕府無  
過事矣孝宗嗣位覃恩轉通直郎賜五品服浚使募兵江西和權  
建康皆有成績及浚再入相賓客例出幕府除知和州去

部侍郎汪應長制置全蜀奏辟博文為參議官應長虛心乎問博  
文准誠啓告成都政績版天下嘗銜命漢中撫勞將士帥司以

錢三百萬博文辭不獲命還次漢州州方治貢院博文以五  
十萬予之餘悉輸成都公帑取河南二程遺文與他名臣論奏景  
述可以垂世者募工錢板用之略畫橫渠張載子孫避地流落貧  
不自振博文訪得之為言應長延置府學俾蜀士知所勸乾道四  
年秩滿丐祠主管台州崇道觀命下而應長亦召還博文與之俱  
行至嘉州而卒年五十有三博文沈靜寡欲年未三十即屏遠聲  
色一榻蕭然性樂善不倦聞天下之士有一言一行之幾乎道不  
遠千里求之視人患難困乏如切於身救之必盡其力既得侗所  
授河洛之傳喟然歎曰儒佛之異無他公與私之閒耳由此沛然  
福建通志 卷百八十三 宋良吏 六 漳州  
自信守之益堅朱子嘗稱疇以清德重天下而博文復能以道學  
行誼世其家云

漳州龍溪縣

劉衍字成之治平二年進士歷英州推官應材識兼茂科以策論  
新法報罷後以薦知潮州潮陽縣歲大歉發帑以賑不足傾家貲  
運米繼之民得不饑元祐元年改知新州禦妖賊有功特授朝郎  
案漳州府志 秩滿詣京師會知杭州趙抃同日引見與王安石議  
作加賜都尉 秩滿詣京師會知杭州趙抃同日引見與王安石議  
青苗不合衍抗辭折之八閩通志云安石叱之曰公等坐不讀書  
安石默然問書同又注云衍所對安石世以為抃而不知 遂力乞  
出於衍也案史傳皆以此為抃語八閩通志未詳所本  
致仕年纔三十八累辟不起自扁其亭曰樂全與郭祥正徜徉其  
間壽八十餘乃卒

謝伯宜字瞻聖熙寧六年進士歷知湖州長興縣開潘水利不  
入境諸臺以聞遷奉議郎賜緋仕凡六任司議職者四平反爲多  
家居嘗疏九十九坑水築海成田由是八九都皆成沃土都人祠  
祀之曾孫明之字維學紹熙元年進士調雷州教授被檄攝守取  
印函之不視州事每潮守注關輒曰不如謝通判尋知眉州秩滿  
還家以詩酒自娛

蕭韓字棠仲大觀三年進士歷古田縣尉詳見福清縣丞遷知南  
恩州道遇蔡蒙賊蔡蒙者言其刺害可畏也咸頓首曰爾公德  
政願乞更生韓下車首招徠之盜患遂息郡無城郭民苦海寇不  
時至韓爲築城植刺竹海寇亦不敢犯舊未有學秀民一切編丁  
置於韓建學舍市田置書聚生徒教養之任滿乞祠里居二十六

年卒壽八十有九  
麻蓬運志 卷百八十三 宋良吏 九 龍溪縣

楊汝南字彥侯紹興十五年進士調贛州教授應詩春秋中庸要  
旨若經說三十篇以授學者仍表進於朝祭酒楊椿覽之曰今之  
師範也以薦改秩知古田縣孫承祖字慶襲弱冠通百家工詩以  
祖澤補官初調邕州理曹再調循州推官於郡政多所裨贊改知  
安溪縣勞心撫字去日邑民遮道擁留後通判循州父老迎謂曰  
是吾訛曰清嚴推官也攝守惠州提刑使者王滂首以廉吏薦除  
知新州帥洪似辟守恩平復改守梅州赴闕奏事條上二廣利病  
年五十丐祠歸築別墅於保福隆壽兩山閉扁以福壽林塘有荷  
十里扁曰歸耕與諸賢爲真率會幅巾蕭散恬如自樂  
顏幾字子治歷仕多在海外安黎蠻有功就改京秩海外語洞淵

掠昌化軍戮討平之詔改昌化爲南寧因命守之就除瑋管安撫  
奏變差役爲僱役及請舉士昭四川例與殿試陞等推恩士民懷  
之立祠焉願世居青雒原屬  
龍溪今爲海澄人  
林士蒙字子正父昌篤於教子士蒙以周禮三預鄉書登治熙五  
年進士初調歸善主簿再調梅陽推官廉以律已嚴以馭吏民其  
德之改知東莞縣

趙善封字德可太宗四子簡王元份七世孫登慶元二年進士歷  
知寧德縣詳見崇學校課農桑中外大臣交章列薦尋通判肇慶  
府釐民間業去產存之患民受其惠擢知容州移知鬱林州廣右  
帥臣以善封有風力檄率藤梧等六郡之兵討賊方就道賊已聞  
風而散爲政寬平廉潔安撫使楊長孺嘗贈以詩有清如玉壺水

澹若朱絃瑟之句  
福建通志 卷百八十三 宋良吏 三 龍溪縣

姚東字明仲慶元二年進士調長溪主簿詳見適大旱禱即雨民  
喜曰此主簿雨也令丞廉被火獨簿解存人以爲誠愛所格再調  
保昌丞當道知其廉介屢以疑獄見委囚不敢欺以通直郎致仕  
漳浦縣  
吳興字可權元豐五年進士歷端州四會縣合改饒州餘干徙學  
於琵琶洲後登科者接踵劉正夫稱其護士如元氣決訟如神明  
人以爲不虛嘗謂提刑使者燕若蒙論事侃侃不阿若蒙厲聲曰  
而欲效漢唐合耶與曰固學之恨不至耳若蒙爲之改容移知懷  
安縣累遷奉議郎通判潮州時故人張商英當國或諷之使見與  
毅然曰吾遇天覺於放逐中諄諄勉以忠義今可呈身求進耶竟

不往官終廣南東路提點刑獄案江西通志名宦明餘干志云吳錄備生平歷官凡七任悉以俸餘市書所藏至三萬餘卷鄭樵稱

海內藏書者四家以與所藏本為最善王適作清漳進士題名記於漳先達器識名節首稱與及高登謂自國初至今科目得士二百五十餘人獨二公所立光明俊偉一言一動可為千載矜式

楊仕訓字尹叔少孤刻厲自奮嘗從同邑陳景肅受業及朱子守漳置賢齋以處士之志於學者仕訓年最少預焉朱子稱其學已知方龍溪王邁見而異之妻以女慶元二年登進士第初調古田縣尉再調潮州海陽縣丞政以寬和為主不為震厲立威名民有訟者先以禮義曉譬多釋所爭而去遷永福合帥司交章以薦

遂差監鄂州糧科院荆襄兩路軍儲皆屬焉未踰月卒官至宣教

福建通志 卷百八十三 宋良吏 三 長汀縣 漳浦縣

郎年五十有八仕訓持身謹恪一語笑不安發痛親早亡事祖母至孝案閩書以為事母至孝非是祖母歿廬墓三年毀瘠慘切髮髮為白仕於其邑者相與作詩紀其事平生好與人急而自奉儉甚卒之日囊囊蕭然無以為斂總餉者義之率僚屬賻其喪以歸弟仕謹登嘉定十三年進士任惠州博羅縣尉與仕訓同稱賢吏云

汀州長汀縣

鄭穆字應和父立中見忠烈傳穆以父功調揚州泰興合浚河漑田二十頃再調濠州定遠合泉浦寇葬枯骸尋攝平江府常熟縣事濱兵絕江繇福山閩關移單車撫諭事遂定有久訟得直者袖白金數金為謝穆正色卻之終朝散耶徽州通判

羅烈字子剛建炎二年進士調同安縣尉叛將楊勛自劍起泉烈

部兵捍禦邑恃無恐紹興初改循州興寧令會羣盜出沒一日突入縣城執烈去烈不為動徐以理論之賊不加害遂還邑無何賊復來烈率千餘人擣其巢大破之賊皆潰遁得所掠子女二百餘人遣還家移知吉州廬陵縣自慶應中詔諸縣立學而縣庠介於官寺通衢之間狹隘殊甚烈至拓地經營規模始備官終宣教郎翁熙字正之清熙二年進士調袁州戶曹長於吏事三鞠疑獄平反明允守欲上其事辭曰受賞則置前勸官何地被機驗旱傷徒步阡陌不憚勞勛及行賑濟遍歷鄉落勸分富廩民賴全活尋攝通判捐俸以恤貧民任垂滿而卒

寧化縣

劉并字清叔端平二年進士調贛州會昌縣尉申警弓手饑寇無

福建通志 卷百八十三 宋良吏 三 寧化縣 清流縣

敢往來嘉熙間轉運使王壘檄差臨州和買時朝廷降見錢充糶本地官皆易以楮并獨用所降錢後易楮者皆被論坐黜而并諱此見知辟南安大庾令寇譚知海嘯聚提刑司檄并督捕擒之累調長州判官移知贛州瑞金縣築城建學卓有能聲以平嗣寇功就京改秩終奉議郎

清流縣

賴紱字冕仲紹興五年進士調梅州程鄉縣尉值盜起畫策招捕境內悉平遷鎮南軍節度推官改京秩南劍州某縣案閩書失轉運司增敷民鹽紱知其抑配堅不奉命終簽書清遠軍節度判官紱居家嘗言白刃救其叔父躬詣賊壘勸諭解散其眾鄉人重焉

御武軍御武縣

上官凝字成叔慶歷二年進士授池州銅陵縣丞部使者以詩察  
威下吏凝獨不屈使者怒捫捫無所得乃愧謝秩滿父老送至境  
上饋樂數器發之皆白金也凝追而返之曰吾爲尉不私汝汝奈  
何忍吾私耶六年調潭州司理參軍人無冤者屬縣盜七人論  
死凝察牘辭覺其中二人非盜徐訊之果誣立直其枉皇祐初用  
薦爲桂州陽朔令歷知潭州攸縣江州湖口縣洪州分寧縣皆有  
聲移知密州安邱縣前殿中丞成向廢居在家素干請有司以役  
漁小民致費鉅萬及謁凝教使立堂下將窮治之事未行會其族  
人奔爲密州守向譖凝誣以罪奔信之上章劾凝退吏胥百餘  
輩踰治卒無罪奔悔爲向所賣乃辨析前章置酒謝過凝了不爲  
愠日子知自愠而已時山東皆蝗旁邑皆害凝境上有烏萬數羣

福建通志

卷百八十三

宋良吏

三

御武軍

食之歲獨大稔熙寧三年遷職方員外郎通判處州始至守持法  
峭深凝屢格其不使者其後守有措施必先眠凝意故政皆近厚  
未幾卒於官子埴均 埴字彥明嘉祐二年進士官至太子中允  
廣南東路轉運判官均有傳 埴子恂楷怡皆登第恂紹聖元  
年進士興化軍教授埴字正平元豐八年進士初調江寧府溧陽  
尉改蔡州新息尉遷濠州錄事參軍居官十餘年以廉正明決稱  
愷兒孝義傳

吳思字子正

元豐二年進士調蕪州黃梅縣尉再調虔州右司理  
參軍虔俗獷悍喜訟鬪視他郡爲難治思敏達強濟事至輒迎刃  
解會昌民有誣告毒斃者縣獄具思直其寃得不死合衆復訟思  
不已守遣思更訊卒如思所斷法當遷秩任事者不以閔思曰吾

爲理官治獄求生斷盡吾職而已無他說也就移和州防禦推官  
除知吉州吉水縣有老吏舞法爲蠹思廉得實繫治之欲汙思以  
緩其獄關思出謬爲家問置金其中使小吏納之思妻黃氏得書  
覺重疑之卻不受思適自外至發書得金詰得其情吏遂代辜當  
路以爲能交薦之改宣義即知池州建德縣興學校勸農桑教民  
力本歲餘大治徽宗登極厚恩遷奉議郎賜緋衣銀魚辟福建路  
轉運司管勾文字明年丁母憂服除監江州廣臨監值更錢法日  
夜鳩工赴期會以課最聞再遷承議郎還闕除監大觀庫大觀元  
年以疾卒年五十有三思爲人樂易不事表襮家素貧清約自克  
而闕恤族黨無吝色明達吏治所至有聲士論每以用不極其材  
爲憾而思處榮庫恬然也子偉明字元昭宗寧五年進士歷秀州

福建通志

卷百八十三

宋良吏

三

御武縣

崇德縣尉紹興中知興化軍政尙簡嚴吏民安之後奉祠歸  
吳點字聖與總角時以文見鄉先生黃履進退如成人履歎賞彌  
日日子必爲令器聞王安石在江寧治經負笈從之文益進擢元  
豐五年進士調舒州司理參軍吏以點年少易之有市醫斫人死  
繫月餘未決點一見曰此非律所謂誤不知方者耶吏相顧大驚  
移知英州真陽縣嶺海去朝延遠令多版授郡守率以習遇之點  
始至左右風點庭趨點不爲屈守怒欲窘以事久而知其賢反薦  
諸朝韓宗道知杭州奏知富陽縣政績爲一路最時孫傑察訪東  
南官吏皆重足事之點守正不阿傑獨薦點可用徽宗登極轉奉  
議郎賜緋衣銀魚擢太僕寺丞初點與蔡京有舊及京拜右僕射  
點恥由其黨進力求補外京晒曰君欲首爲去國之人耶噫之除

通判婺州行未半途差撥發福建路錢物舊時當是選者事已必歸報補美官點至陳雷以記白部曹不見京而去京滋不悅遂通判睦州秩滿移越州遂請老貧不能歸寓居蘭溪御史中丞吳執中知其賢薦起再任點不得已至京師會有同年生在廟堂欲引點入觀點固辭曰吾嘗謝事矣豈可復見天子乎得通判洪州徑出關時茶法初下詔責有司奉行甚迫點獨條上不便於民者數事人皆爲點危點不恤也已而朝廷施行其說百姓賴之秩將滿以病告得主管衡州露仙觀歷奉祠十餘年不出欽宗受禪賜三品服擢知潭州復請老建炎四年卒年七十有四官自宣德郎十一遷至中大夫點退然如中人而操履剛方堅比金石自少至老清苦刻勵無幾微不介意其舉進士出京師也僕遭癘疾同行皆惡之欲委諸道點輟已所乘輿載之徒步走千里而歸人以爲盛德

福建通志

卷百八十三

宋良吏

姜

邵武縣

上官恢字閔中元豐八年進士授潮州司戶參軍調賀州富川令用薦知太平蕪湖縣遷通判吉州崇寧五年詔宰執擇河朔守臣除知深州丁內艱歸服闋起知南劍州移知徽州州當兵燬之後瘡痍未復恢專務仁愛多所寬貸有甚不可者乃峻臨之吏民畏服晚丐祠里居胡安國上書宰相言恢諳歷世務端重有守宰相遂以恢與楊時同薦積官至中大夫子模曾孫基皆有名 模字規仲以陰補官初調臨江軍儀曹轉開封府封邱縣尉移楚州上曹遷知江寧府句容縣通判撫州適崇仁宜黃兩縣盜起勢張甚帥司檄模勸討模召諸將密授方略分據要衝而潛兵直搗其巢

賊曾就擒餘黨遂潰事聞降詔褒獎 基字仲立乾道初以恢遺澤補官授潭州安化縣尉不赴召監建康府倉以母憂去服闋除贛州興國縣丞值歲歉縣令欲候大吏報可始發賑基曰民無食且夕死何能久待知有譴基願身當之令依其言全活甚眾秩滿調衡州推官州欠上司及大軍緡錢守迫輸期謀於基基曰衡陽皆巨胥攬稅民已納而胥不以報官故至此守即委基監稅基揭欠戶姓名於市第等立限攬稅者懼罪不數日輸及萬緡丞相趙汝愚謫峽陵行至衡陽卒時韓侂胥用事沿途送汝愚者皆獲譴至是臺司不敢過而問焉基與汝愚無雅素獨爲經紀其喪已而郡守錢整上其治行累遷提點鑄錢司檢踏官嘉定元年卒汝愚子崇度適守邵武於其葬也臨穴哭之甚哀

福建通志

卷百八十三

宋良吏

姜

邵武縣

朱蒙正字養源少豪邁既長折節讀書舅黃履奇之登元豐八年進士乙科調揚州江都主簿性謙強敏每聽訟必得情而後斷令知其能縣事悉委決焉遷南康軍都昌縣丞尋召衡州茶陵縣丞茶陵劇邑久闕令倉庾圯壞吏緣爲姦蒙正領縣事歎曰此令丞職也亟命構葺謹視出入姦弊遂絕租賦皆不督而辦歲早每出禱雨輒隨車霑足人以爲誠感元符三年秩滿辟知定州安喜縣先是蒙正在茶陵守正不阿爲富路所不悅既去招撫細故以法中之坐奪官大觀初始雪前事除知開封府長垣縣差通判火山軍秩滿造朝權司農寺丞出通判德順軍賜五品服政和四年以疾丐歸明年從官薦蒙正康強有守得旨差提點信州上清宮改成都長生觀蒙正廉慎質直恂恂如不能言而胸中是非了然自

有欲有所爲仕宦齟齬卒不如志

鄧根字深伯重和元年進士建炎初知秀州崇德縣有風力杭州軍校陳通作亂根同經制司屬官鮑貽遜率槍杖手與戰已而御營統制辛道宗軍次秀州而潰道宗奔還鎮江亂兵擁高勝爲首攻秀州遂追崇德根善射有勇略力御之明年盜徐明犯境根復討平之吏部侍郎劉珪薦於朝轉通直郎會金帥宗弼兵至守臣程俱遁去宣撫使周望之用州民所請命根攝知州紹興未除直祿闕爲淮東安撫使兼知揚州尋與祠歸

上官粹中字德厚隆興元年以累舉試策特奏名入第調武岡軍僉判永州零陵有重囚獄久不決提刑司檄粹中往讞片言而定囚械服秩滿改知廣州增城縣勤恤民隱獎進士類重農桑之勸

福建通志 卷百八十三 宋良吏 邵武縣

抑催科之擾轉運副使林光朝上其治行於朝

上官貢字濟叔清熙五年特奏名調饒州浮梁縣丞郡以事送委予決盡得其情陂塘渠堰多所修築遷貴州推官致仕手不釋卷歲散困米以濟貧族

吳炎字濟之登紹熙元年進士乙科調桂陽軍教授環郡皆搖炎不鄙夷其人講切磨濯紘誦彬彬秀境開風多來學者地遠且貧士或不能借計吏炎積餘廩哀衆力置貢士田前相余端禮判潭州與湖南諸監司合薦於朝詔與掌故京秩嘉泰二年除戶部架閣選武學學諭開禧元年改太學博士時韓侂胄專國炎不樂官京師乞補外添差建寧府通判詳見請祠主管台州崇道觀初炎與麗水章良肱同朝相善嘉定初良肱弟長能拜御史中丞舉炎

自代被召詣闕而良能已除參政開炎所欲炎曰食誠恭之祿足矣良能曰吾何辭以自吾兄遂除知江陰軍時方更精法吏奉行新例甚峻炎陛辭極論其弊且曰民心向背社稷存亡繫焉開邊

挑敵曩嘗失天下之心矣奈何更持不恤之論行一切之政稽令者斥于令者誅大吏倡之小吏迎之臣恐人心動而國勢隨之矣別疏言士風黷墨宜復祖宗治職吏舊法引公儀休毛玠事以諷當軸之貪者詞旨剴切無所顧避前一日所親任希夷在詞掖請炎商對語炎拒不答疏出希夷始大愧服江陰以邑爲郡歲入常

不給賴柏稅支吾後改稅務隸嘉興災請復之寬征費用以其餘力茸郡學貢開精築黃田關資式灌漑治績爲浙西諸郡之最七年除監温州災固請小壘改知興化軍復以老乞休主督崇禧觀

福建通志 卷百八十三 宋良吏 天 邵武縣

改千秋鴻禧觀十四年卒年六十有九官至朝散郎炎少教學長

官遊所入皆以奉尊老均兄弟色睟而莊言簡而遠若甚和易而有毅然不可犯者終其身不汲汲進取歷仕二郡自下車奏記時宰外比去不再通名其清介恬靖出於天性也子根蔭授通直郎知甌寧縣

上官必克字復之愔曾孫也事母孝謹慶元五年以積舉推恩特奏名監成都府都稅務稽察精明洞燭情僞更無所容姦課額增羨視常歲十倍二三諸司薦其材行調泉州錄參

秦寧縣

鄒斐初名變字堯叟葉楊龜山文集與鄒堯叟書原注云堯叟名叟是變乃小工詞賦比壯從閩縣劉彝學彝奇其才以女妻之益初名也

博通六經及百氏之書遂以文章名於時熙寧六年第進士

作熙寧六年進士集羣志調淮陽軍司理參軍郡守杖一卒卒不

服而肆言守將斬之以事付芟芟執不可守益怒芟曰事在有司

則有常法力爭不移後歷劍浦主簿監建州買納茶場遷福清令

用薦改知宜州宣城縣元祐四年卒於官年五十有八芟厚重寡

言雖家人不見其喜愠遇事堅正不可以非義屈其決獄聽訟鉤

考簿書人觀之若不勝其煩芟處之裕如手未嘗釋卷也先是將

樂楊時為童髻已誦斐文及元豐開芟以家難寄居時里中反折

輩行與時交其卒也時深痛惜之謂芟學充其志而用不究其才

云弟枯字仲發紹聖元年進士歷寧化縣令詳見民爲之立祠刻

石後知亳州值蔡京當國謝病歸開居二十年及李綱在朝貽書

勸之仕亦不出

福建通志 卷百八十三 宋良吏 三

建寧縣

謝詞字成甫幼聰穎絕倫皇祐中知軍宋咸謀諸生於學官詞年  
十四五試皆第一既冠登治平四年進士歷撫州臨川令人稱爲  
謝冰壺又稱爲謝銅釘言其清且剛也邑有千金隄溉田萬頃前  
令謝卿材創築詞增修之民有前謝後謝之語豪俠閱通者三至  
庭而詞三治之不貸人謂令怒通遂誣通子爲盜詞竟直其冤移  
知臨江軍清江縣歲歲出郊餐賑當除夕家人以書趣歸詞判紙  
尾曰歲節不歸第不飲數十盃耳我歸而民失食二者孰先後  
政和間知汀州卒贈宣奉大夫子徽字彥章紹聖元年進士元符  
三年復中宏詞科歷官宣德郎累遷河北提舉常平值改鑄大錢

觀言誘民爲奸利善錢且盡不可忤蔡京意左遷通判虢州方在

遣責監漳州稅出納惟謹轉運使行部至漳謂曰公嘗供奉赤墀

何躬行莞庫事耶徽曰乘田委吏聖人尙勤乃職敢憚勞後通

判潭州改通判興化軍以親老丐祠久之召除主客郎中假太常

少卿接伴高麗使卒年八十有四

張汝明御志云甚字晦叔嘉泰二年進士歷郴州宜章令邑有

飛虎軍調馭頗難汝明結以恩信遂帖服武靈侯廟巫數十輩號

神老妖言惑眾每迎奉涉水濟託言神不樂從橋入邑令必避堂

居否則大災民爭獻狂幣恐後汝明諭眾曰神欲民安不宜令民

濟水令與神分理則神宜居寺舍祭在誠不在物其以蔬果奠

神老志謂災且及令汝明問之下神老於獄誠曰災則熱汝以謝

神老皆泣拜具伏邑竟無災遷通判漢陽軍時行公田法汝明躬

福建通志 卷百八十三 宋良吏 三 興化軍

興化軍莆田縣

汝明建議城外磨旗山敵至可瞰城中請築外城環之黃州民賴  
焉辟四川總領司幹官卒於道  
方峻字景通天聖八年進士調建安主簿景祐初出爲福州司理  
歷職方屯田郎中出知潤州嘉祐中請老分司南京峻在潤有惠  
政程珣重稱之嘗鑿井舍傍禱曰願子孫居官如此水卒贈金紫  
光祿大夫子士寧字容元衆 元衆見衛林傳 士寧字彥昌慶  
曆六年進士嘗知劍浦縣三司使蔡襄薦之官至都官郎中 子  
容字南圭登皇祐五年甲科歷知惠州蘇軾論惠日子容詞護甚

方相與唱和賦稱子容有拔薤之政即其時也子容孫略的簡與  
皆有官績 略略揚志 略略揚志 略略揚志 略略揚志  
德縣尉遷修書局出提舉廣東常平宜和初在京東以不附燕雲  
之議忤王黼貶知瓊州先是瓊累政不治略下臺之始恩威並行  
勸諭黎蠻使不為擾瓊人德之改知潮州建炎中丐祠歸雅喜積  
書有萬卷樓 酌字文耕以兄略奏補官紹興中知長溪縣以廉  
謹聞葉馬嘗對人稱其清貧遷潮州通判未上卒的無室寓居華  
嚴寺中其喪也郡守鍾離松贈緡三百族人復出貲助焉 簡與  
教授藤州以致知慎獨訓學者終長樂令自峻以清白傳家至略  
兄弟四世人謂不愧長吏後云

徐晞字仲齊父復見隱逸傳初仁宗賜復官不受因命晞為祕書  
福建通志 卷百八十三 宋良吏 至 莆田縣

省校書郎歷長溪海門二縣主簿改將樂尉擢武昌軍咸寧令 書  
作咸寧令後宋史地理志縣 以母老請為湖州武康縣尉未幾拜  
名為咸寧當是咸寧之訛 太子洗馬年五十餘致仕閉門讀書久之再召守國子監博士出  
為湖南轉運使積階至大中大夫晞質直清慎居官有能名所至  
聽訟必得其情下不得為奸民服其公  
林伸字伸之嘉祐二年進士熙寧中調永靜軍判官先是內侍程  
昉除同監勾都水監丞建議請開胡蘆河引水入新河鎮故道浸  
沒民田不可勝計詔河北東路轉運司遣官相視轉運司以委伸  
程昉本王安石所任勢微傾一時眾莫敢言者伸還報新河身比  
舊河高一丈水勢趨下不可以力勝昉決水逆行滄景德棧四州  
俱被其害昉反誣伸沮壞河事伸坐道一官勒停初伸按視還或

謂伸曰位卑言峻是速禍矣伸曰伸知為民計不知為身計雖去  
無憾也已而起廣州新會縣邑多諸司職田歲歉伸放其租稅十  
之九吏持不可伸曰不過為民一衝替耳人以為辱我以為後  
果符吏言伸情不為意官終朝奉郎

余祖曠字景初名祖禹改今名未冠入太學與同舍生胡安國  
宗澤相親善學官鄭移范祖禹皆器愛之元符三年登進士甫歷  
秀福青三州教授轉通判建州未上會鄉人林孝淵得邠州倖祖  
曠慨然曰孝淵母老矣遠官非心所安吾獨不能效古人以柳易  
播乎請於朝願代孝淵任孝淵由是得改建州祖曠至邠復移蘭  
州會地大震山崩城郭廬舍盡陷祖曠若有神護置之隙地者於  
是拯傷扶殘瘞死賑饑恩卹備至蘭人德之代還主督福建轉運

福建通志 卷百八十三 宋良吏 至 莆田縣

司文字時建卒葉濃作亂祖曠挺身諭以逆順濃遂退 案建炎以來繫年要錄葉濃以建炎二年六月丙辰作亂十月癸巳兩浙提點刑獄公事趙哲與濃戰於建州城下大敗之濃引兵東走哲遣人招諭濃遂降城此不見有祖曠論議事殆者以功轉朝散大夫知南恩州所遣即祖曠而要錄偶遺其名耶 海寇卓全高領徒千人沿海剽掠祖曠嚴控扼外示閒暇賊不敢犯部使者以聞召對指陳時弊忤秦檜意引疾丐祠歸後九年賜品服又二年轉朝議大夫封文安縣開國男卒年八十有四祖曠性至孝母喪廬墓父喪過時猶毀瘠甘露降於堂林者兩月城東有白湖港祖曠捐貲倡鄉人伐石為梁隴為十道行者便之子武弼武昂 武弼字直儒以陰補萬安軍陵水縣尉紹興五年試明法科第一特授廣東提點刑獄檢法官遇死獄屢有平反移福建檢法司時汀州盜嘯聚成禽武弼策力居多轉承議郎知南